0.0.1 vālasuttam

- 1. ekam samayam bhagavā vesāliyam viharati mahāvane kūṭāgārasālāyam. atha kho āyasmā ānando pubbanhasamayam nivāsetvā pattacīvaramādāya vesālim¹ pinḍāya pāvisi. addasā kho āyasmā ānando sambahule licchavikumārake santhāgāre upāsanam karonte dūratova sukhumena tālacchiggalena asanam atipātente ponkhānuponkham² avirādhitam, disvānassa etadahosi: "sikkhitāvatime licchavikumārakā susikkhitā vatime licchavikumārakā. yatra hi nāma dūratova sukhumena tālacchiggalena asanam atipātessanti ponkhānuponkham avirādhitanti. "
- 2. atha kho āyasmā ānando vesāliyam piṇḍaya caritvā pacchābhantam piṇḍapātapaṭikkanto yena bhagavā tenupasamkami. upasamkamitvā bhagavantam abhivādetvā ekamantam nisīdi. ekamantam nisinno kho āyasmā ānando bhagavantam etadavoca: "idhāham bhante, pubbaṇhasamayam nivāsetvā pattacīvaramādāya vesālim piṇḍāya pāvisim. addasam khvāham bhante, sambahule licchavikumārake santhāgāre upāsanam karonte. dūratova sukhumena tālacchiggalena asanam atipātente poṅkhānupoṅkham avirādhitam. disvāna me etadahosi, sukkhitā vatime licchavi kumārakā. susikkhitā vatime licchavikumārakā. yatra hi nāma dūrato va sukhumena tālacchiggalena

¹vesāliyaṃ-sī 1, syā.

²pokhānupokhaṃ-syā.

bjt page 316

asanam atipātessanti ponkhānuponkham avirādhitanti".

- 3. taṃ kiṃ maññasi ānanda, katamaṃ nukho duk-karataraṃ vā durabhisambhavataraṃ vā, yo ca dūratova sukhumena tālacchiggalena asanaṃ atipāteyya poṅkhānupoṅkhaṃ avirādhitaṃ. yo vā satadhā³ bhinnassa vāļassa koṭiyā koṭiṃ paṭivijjhayyāti? etadeva bhante, dukkarataraṃ ceva durabhisambhavataraṃ ca yo vā satadhā bhinnassa vāļassa koṭiyā koṭiṃ paṭivijjhayyāti. atha kho te ānanda⁴ duppaṭivijjhataraṃ paṭivijjhanti ye⁵ "idaṃ dukkha"nti yathābhūtaṃ paṭivijjhanti "ayaṃ dukkhasamudayoti" yathābhūtaṃ paṭivijjhati "ayaṃ dukkhanirodhoti" yathābhūtaṃ paṭivijjhanti "ayaṃ dukkhanirodhoti" yathābhūtaṃ paṭivijjhanti "ayaṃ dukkhanirodhagāminī paṭipadā"ti, yathābhūtaṃ paṭivijjhati.
- **4.** tasmātiha ānanda, "idam dukkha"nti yogo karanīyo "ayam dukkhasamudayoti"yogo karanīyo "ayam dukkhanirodhoti" yogo karanīyo "ayam dukkhanirodhagāminī paṭipadā"ti yogo karanīyoti.

pts page 454

³sattadhā-machasam, syā, aṭṭhakathā.

⁴atha kho ānanda-machasam.

⁵yo-syā, sī 1, 2.

⁶paṭivijjhati-syā, sī 1, 2.